

Na osnovu člana 31. Statuta Udruženja poslodavaca FBiH, Upravni odbor UPFBiH, na svojoj 33. redovnoj sjednici održanoj 31.08.2022. godine putem zoom aplikacije, donosi slijedeću:

ODLUKU

o imenovanju Pregovaračkog tima za zaključivanje Kolektivnog ugovora za djelatnost tekstilne, kožarsko-prerađivačke, gumarske i industrije obuće za teritoriju FBiH

I

U pregovarački tim za zaključivanje Kolektivnog ugovora za djelatnost tekstilne, kožarsko-prerađivačke i gumarske industrije za teritoriju FBiH imenuju se:

1. Behrija Huseinbegović, Makama d.o.o. Bugojno;
2. Ernest Brajković, Sin-Cro-Rr, d.o.o. Čapljina;
3. Rešad Behlulović, Alma Ras d.o.o. Olovo;
4. Mevlija Halilčević, Olip d.o.o. Travnik ;
5. Nermin Džinović, IMK Kula d.o.o. Gradačac

II

Za Predsjednicu pregovaračkog tima imenuje se Behrija Huseinbegović.

III

Ovlašćuje se Pregovarački tim da vodi pregovore i zaključi Kolektivni ugovor za djelatnost tekstilne, kožarsko-prerađivačke i industrije obuće sa reprezentativnim granskim sindikatom u roku od 30 dana od dana otpočinjanja pregovora, do kada važi punomoć za pregovaranje.

IV

Ukoliko se dogovor o Kolektivnom ugovoru ne postigne u roku iz tačke 3. ove Odluke, odluku o nastavku pregovora donijet će Upravni odbor UPFBiH.

V

Ovlašćuje se Predsjednik UO, da u konsultacijama sa direktorom Udruženja, može izvršiti zamjenu člana pregovaračkog tima ukoliko za to postoje opravdani razlozi.

VI

Principi pregovaranja, način vođenja pregovora i rokovi su definisani Protokolom o vođenju pregovora koji su sastavni dio ove Odluke.

VII

Ova Odluka stupa na snagu danom donošenja.

Sarajevo, _____ 2022. godine

Broj: I- ____/22

Predsjednik UO UP FBiH

Adnan Smailbegović

PROTOKOL

za vođenje pregovora za zaključivanje Kolektivnog ugovora za djelatnost tekstilne, kožarsko-prerađivačke, gumarske i industrije obuće u Federaciji Bosne i Hercegovine

PREDMET

I

Predmet pregovora je Kolektivni ugovor za djelatnost tekstilne, kožarsko-prerađivačke, gumarske i industrije obuće u Federaciji Bosne i Hercegovine (u daljem tekstu: Kolektivni ugovor).

PRINCIPI

II

Socijalni partneri opredijeljeni su da će pregovore voditi uz poštovanje sljedećih principa:

- ✚ pregovori će se voditi u dobroj vjeri i uz međusobno uvažavanje;
- ✚ cilj pregovora je iznalaženje najboljih rješenja prihvatljivo za pregovaračke strane;
- ✚ u cjelini poštovati međusobno ravnopravan status pregovarača;
- ✚ poštivanje načela efikasnosti i ekonomičnosti pregovora;
- ✚ poštivanje dobre prakse kolektivnog pregovaranja i njegovih rezultata;
- ✚ tokom vođenja pregovora, pregovarački timovi suzdržat će se od bilo kakvih izjava i poruka koje mogu biti uznemirujuće za članstvo i širu javnost;
- ✚ prilikom pregovora o Kolektivnom ugovoru, pregovarački timovi, pored ostalog, posebno će voditi računa o pravima radnika i realnim ekonomskim uslovima u definiranju nivoa tih prava.

III

PREGOVARAČKI TIMOVI

U želji da kvalitetno provedu pregovore Udruženje poslodavaca FBiH na prijedlog Grupacije poslodavaca za djelatnost tekstila, kože i obuće u FBiH i Sindikat će:

- ✚ samostalno formirati pregovaračke timove;
- ✚ imenovati pregovaračke timove čiji sastav ne može biti veći od pet (5) članova;

- ✚ prije početka pregovora obje strane su dužne dostaviti pismeni akt kojim su od nadležnog organa imenovani članovi i šef pregovaračkog tima, te definirane ovlasti za vođenje pregovora radi zaključivanja Kolektivnog ugovora o pravima i obavezama poslodavaca i radnika za djelatnost tekstilne, kožarsko-prerađivačke, gumarske i industrije obuće u u FBiH;
- ✚ obje strane će nastojati da u pregovaračke timove izaberu osobe koje posjeduju znanje i kompetentnost;
- ✚ obje strane će planirati dovoljno vremena za neometano odvijanje pregovora, pri čemu će dati prioritet u odnosu na svoje druge aktivnosti.

IV

NAČIN VOĐENJA PREGOVORA

U cilju uspostave pravila i rokova vođenja pregovora, pregovarački timovi dogovorili su:

- ✚ prije početka pregovora pregovarački tim UPFBiH će sačiniti prijedlog KU i dostaviti ga Sindikatu na ocjenu i davanje primjedbi i sugestija;
- ✚ rok za odgovor od strane sindikata je 15 dana od dana dostavljanja materijala od strane UPFBiH;
- ✚ prvi sastanak pregovaračkih timova zakazaće se nakon odgovora sindikata u roku od narednih 7 dana;
- ✚ šefovi pregovaračkih timova, za vrijeme trajanja pregovora, ovlašteni su od strane socijalnih partnera da iznose stavove svojih delegacija;
- ✚ šefovi pregovaračkih timova ovlašteni su za konkretne dogovore u cilju potpisivanja i realizacije dogovorenog;
- ✚ izjave za medije, tokom vođenja pregovora, davat će šefovi pregovaračkih timova.

V

ROKOVI

Sporazumne strane utvrđuju rokove za zaključivanje Kolektivnog ugovora:

- ✚ opredjeljenje sporazumnih strana je da pregovori za zaključivanje Kolektivnog ugovora budu sadržajni i efikasni sa ciljem da što kraće traju, a najdalje 30 dana od dana otpočinjanja pregovora;
- ✚ ukoliko se dogovor o Kolektivnom ugovoru ne postigne u utvrđenom roku, odluku o nastavku pregovora donijet će nadležni organi UPFBiH i Sindikata.



VI

TROŠKOVI

Troškove objave Kolektivnog ugovora u „Službenim novinama FBiH“ pregovarači snose zajednički, a o načinu plaćanja, odnosno refundacije troškova objave Kolektivnog ugovora strane u pregovorima se usmeno dogovaraju.